



Sal : 1

Jimar : 2

Eulan 1964

Erke pirozekanî Hêviya Welêt

Kamal Fuad

Berlin, 21.5.1964

Brayanî berêz: Berêweberanî govarî Hêviya Welêt î xoşewîst !

Silawêkî germî têkoşantan pêşkeş bē,

Jimarey yekemî govareketanim xwêndewe, zorim pê xoş bû, çünke be rastî kelênêkî gewrey bo pir kirdînewe, nek tenha bo emey xwêndikaranî Kurd le Ewropa belkû bo hemû ew kesaney ke hez be fêrbûnî zimanî Kurdî eken. Hêviya Welêt be şeweyekî taybetî kelk û sūdêkî zorî heye bo bira Kurdekanî Sûriya w Turkiyaman ke hemû rêgayekî aşkirayan lē bestirawe bo fêrbûnî zimanekeyan û geşe pê kirdinî. Raste Hêviya Welêt natwanêt ew kelêne gewreye pir bikatewe ke le encamî nebûnî mafî siyasî w netewayetî Kurdewe hatuwe lewaneş mafî xwêndin û nûsîn be zimanî Kurdî ke emro le hemû beşe dagîrkirawekanî wilatî xoşewîstman Kurdistan berbest kirawe. Belam hiç gumanî tiya niye derçûnî Hêviya Welêt kelk û sūdêkî zorî heye be taybetî le rojêkî wada ke netewekeman nek tenya bē beşe le hemû mafêkî siyasî w demokratî w netewayetî w mirovayetî belkû bere-ngarî hêrişêkî narewaw dirindane ebē le beşêkî wilatekeman wate le Kurdi-stanî Iraq ke gelî Kurdman be pileyekî sextî têkoşanya tē eperē le pênawî hênene dî mafe netewayetî w demokratekanî le otonomî bo Kurdistan û riji-mekî demokratî perlemanî bo Iraq. Êstaş paş dū sal û niw bombarduman û kuştin û birîn û girtin û giranî w azar û çewsanewe w paş ewey sē mang ziyatir tē perî be ser şerr westandina le nêwanî supay Iraqî w sorisgêranî Kurdistan ta êsta hiç mafêk be gelekeman nedrawe w hikûmetî Iraq nek her tenya le belênekanî xoy peşiman ebêtewe w bes belkû be şeweyekî zor namer-dane hewl eda bo towî nakokî **gandin** le naw serkirdekanî gelî Kurda.

Le Sûriya hemû rojêk çetekanî Baath hêriş ebene ser gelî Kurdman û be deyan kesyan lē egrin û lē birindar eken û lē ekujin bē ewey hiç gunahêk-yan hebē belkû tenya leber ewey Kurdin û eyanewē be Kurdî bijîn û be Kurdî bimrin.

Le Turkiya girtin û lēdanî gelî Kurd her berdewame w ta êsta gelē Kurdî bē gunah le bendixanekanî Enqere w Estemûl da mawnewe w azar û siza eçējin.

Le Êraniş sereray nebûnî hiç mafêkî netewayetî w zanyarî Kurd wek hemû beşekanî key Kurdistan, taqe rojnameyekî Kurdî ke le Taran le layen hikû-metewe be nawî (Kurdistan) ewe dereçû daxira. Sereray ewe maweyeke hikû-

metî Eran destî kirdotewe be girtinî Kurd.

Ca le katêkî wada ke gelî Kurdman le hemû beşekanî Kurdistan le halêkî wa naxoş da ejî sereray eweş berengarî hêrişî nareway duşminanî ebê gend erkêkî gewre w pîroz ekewête ser şanî govârî Hêviya Welêt :

1- Erkî geyandinî dengî beşekanî Kurdistan be yektirî w be xwêndikaranî Kurd le Ewropa.

2- Erkî geşe pēdan û peşxistinî ziman û edebî Kurdî w nîzîk-kirdinewey diyalēkte ciyawazekanî zimanekeman.

3- Erkî rûnkirdinewey meseley niştimanîman ke yekêke le amance pîrozekanî komeley xoşewîstman.

Komîtey berēweberî giştî komele le katēka silawî germ û pîrozbayî xoy peşkeş be govârî Hêviya Welêt û destey nûseranî ekat, amadeyî xoy pişan edat her wek le seretawe pişanî da bo hemû yarmetî w komekêk be gwērey tuwanay pēşkeş bikat bo derkirdinî govareke be rēk û pêkî w pēşxistinî.

Govârî Hêviya Welêt ke be taybetî be diyalēktî kirmancî enûsê pēwîste carû barîş be soranî wîtar bilaw bikatewe ta zurbey bira Kurdekanman le Eran û Iraq ke be dialēktî soranî edwên le xwêndinewey govareke bē beş nebin û bitwanin wîtarî xoyanî tiya bilaw bikenewe.

Le dwayî da xoşî w serkewtintan hîwamane w ûmêdî pēşkewtinî govareketan ekeyin û hemîşe bextiyarîtan awatmane.

-ö-ö-ö-ö-ö-

Agir be nextê aw kujayewe
gul be bay payîz sêrî nayewe

Belam jîlemoy tēkoşanî Kurd
dway hezaran aw helgîrsayewe

Gulale sûrey baxî a z a d î
dway xezanî zerd her geşayewe

%%%%%

Ewî mējoy Kurd bixwênētewe
elqey zincîrey bihonētewe

Tê ega hergiz sêr nanētewe
hiç hêzêk niye biytwênētewe

Ew çerxe nema dirextî regez
rîşey der hênin hî emey nebez

P Î R O Z Î

Hêviya welêt, çî navekî xweş, ji bo kovareke nû ku bi zarê kurmacî li Ewropa bi destên Xortên Kurd derdikeve.

Derxistina vê kovarê, bi vî navê xweş û sîrîn ji bo Xortên me yên li Ewropa lêhatineke gelekî hêja ye. Çawan ku Xortên me yên li Ewropa di vê kovara han de hêviya welatê xwe dibînin, Xelkên welêt jî di wan Mertan de hêviya gelê xwe dibînin.

Kovara me ya nû firo hêviya welate,
Armanca wêya Serbestî, Azadî, Felate.
Dê wek Royê ronak bike dinya me ya tarî,
Bi peyv û nivîsarên hêja wekî mirarî.
Dilê meyî kul, rûyê bêmad her dê bike geş,
Li pêş me veke rêya xebateke gelek xweş.
Cihanê ji bo me bike ronak û buhuştîn,
Zimanê meyê pasvemayî zar bike zengîn.
Pêşkêş dikim sipasên xwe û dost û hevalan,
Bo Xortên ku di vî warî de wekî şepalan.
Xebatê bikin, pê biwestin ew bi sev û roj,
Bêsek ewin welatparêzên hêja û dilsoj.
Di vê rêya han gelê me dê zûka şiyarbe,
Wê hînga hezar xwelî li nav çavên neyarbe.
Hezar carî pîroz kovara Hêviya welêt, her bijîn Xortên ku pê rabûne.

H I L L O F

Xwendevanên delal û hêja !

Em ji we hêviya lê bihurandinê dikin ji bo kêmanî û sasbûnên me ên hûn dibînin. Ji me re rexne (neq) û pêşneyaz (iqtirah) ên xwe bisînin ji bo baskirina kovarê û pêxistina wêna. Her weha jî ji me regotaran binivîsîninda em ji we re wan belavbikin.
Bi van kirên we, bêgotinê, dê emê gelekî dilşa bibin. Heta ji me bê emê karbikin ji bo bi cianîna daxwazên we; ji ber kovara me kovara her welatpewerê Kurdeû armanca wêna nala armanca gelê Kurd a me-zine Azadî, Serxwebûn, jîneke xwestir û Dostaniya Milletê Kurd bi tevaya Milletên cihanê re.

B I H A T I N A C E J N A N E W R O Z

Xwendevanên delal û hêja!

Bi hatina cejna Newroz ,cejna milletê Kurd a mezin ,kovara Hêviya Welêt xwendevanên xwe û milletê Kurd pîrozdike.

Newroz,weke ku em dizanin bûyîneke mezine di diroka welat û milletê me de. Newroz tîne bîra me Kurdan bê çawan militê me şûreşkir dijî xwînmijên xwe û ew ji ser textê keyetiyê avêetin.Millet azad û serbest ji zor û sitemê dest bi jîneke xweştir kir.

Ev bûyîna mezin di diroka welat û milletê me,ji me re xweş di de xuyanî-
kirin bê çî dermanê hilanîna zor,sitem,xwînmijî û koletiyê a firo ku welatê me û milletê me tê de dijîn.Xwînmijên,hovên û Faşistên Ereba ,Tirk û Ecem wana em ji hemû mafeyên mirovan bê parkirinê.Li valî û walf em di binin bê çawan Turkan bi hovîtî hemû şûreşên milletên me vemirandin û hata firo her û her dixwazin Kurdan ji dunya biqelînin.

Li îranê,Ecaman jî her û xwestiyê Kurdan ji xwe re bindest,rehen,perî-
şan û nexweş bihêlin.

Li kurdistana nîvro(a Îraqê)va ji du sal û nîvan de milletê me şûreşa xwe dike ji bo parastina hebûna xwe ji destên Ereban hov,xwînmij û faşist ên bi hovîtî dixwazin milletê me wêran bikin .Ew hovane bi sedan,bi hezaran Zarok,Pîr,kal,jin,mêr dikujin di şewitînê ji ber ew Kurd hatine dinê û dixwazin Kurd jî bimînin.Lê Kurd natewe,serê xwe li ber Hovên Ereban hew datine ji ew li ber hebûna xwe dide.

Li suriyê bi sedan ji welatperwerên Kurd di tariyên zindanan de dijîn. li wir jî Hovên Faşis tînen Ereba n li Kurdan bi hovîtî di xînin.Ew Hovana weha bawerdikin ku bi van kirin xwe ê xwînmijî dikarên berê milletê me ji doza mafeyên wî ên millî bidin alî û wî her û her ji xwe re bihêlin Kole.Biqirtina ji sedan ji Xobêên Kurd,bi lîxistinê jinên Kurd û bîskirina wan hov ûfaşist nagihên miradê xwe.Kurd roj bi roj xurtir dibe û Hovên Ereban ber bi gorêstanê de dirin:

Em bi vê hatina cejna Newroz ji xwendevanê xwe re vê xwesxuwana han diyarî dikin.

N E W R O Z

Newroz çiqas delalî	vedkujîni derdan,
Her dem û gav di balî	tuyî cejna me Kurdan,
Her sal di vî çaxî de	bîst û yekê adarê
Bi kêf û lîz û govend	me dighînf biharê
Gul û kulîk û çîçek	dibîşkivin di baxan
Çem û cobar tijî tînen	heya perav û şaxan
berf li çiya dihele	bes dimînin belkî
Wekî cinin reşbelek	dilgeşdikin gelekî
Rûyê erdê ji rûkî	giya dertê keskek û şîn

Nengiz, supik û çiçek ji her ali didih bin
 Di van rojên s¹ rîn de welatê Kurd ser û bin
 Ci keç û xort û mendal kal û pîr û bûk û jin
 Dikincejin sê roja bi xweşî û ken û hang
 Derdikevin ji maln bi xirêşme qîr û dang
 Tev hildigrin digel xwe nan û dan û siranî
 Hinek bi saz û sowet hinek bi ser giranî
 cih cih li hev di civin keçên xweşik û dîlber
 Hinek ji wan genûngûn hinek jê çûr gulîzer
 Hinekêwan çav resin kezî dirêj gewr û boz
 Gihîştina destê wan divê gelek dawû doz
 Li ber cem û çîmanan di nava bax û bustan
 Dirivin û dikenin cîhan dibe gulistan
 Li ser gul û çiçekan ew surperî weke hing
 Her dadinin radibin têk re dikinvingeving
 Dema ji wan diyarbin xortên çeleng û se pal
 Dibe pirkepirka wan didin çîman wek xezal
 Dawî li hev dibanin vedgerin çend bi çend
 Hinek dibên dilokan dibe dîlan û govend
 Bisk û zilfên zerîyan ji dûzanê bi der tîn
 Li ser dêm û rûyên gewr dipengizin dirin tîn
 Dilê xortan ji evin tijî dibe dike cos
 Bi nêhrîna zerîyan tev dibin gêj û serxoş
 Kal û pîrên qermiçî ew her didin kesran
 Demên borî dibîrin dixwazînin dîlberan
 Lê çi fêde nayê dest emrê çûye carek din
 wekî gula çilmisî pelkê wê dikevin bin
 Dilê xwe ê peritî bi bezrîngan daxdikin
 we birîna bê derman bi xeyalan sax dikin
 Dijwariyek mezine qesîya xwe bîrbirin
 Lîzan gelek kirête pîr jê xwestire mirin
 Bersê rojên cejna xwe serbas dikin bi basî
 Lev kêf û saz û spwet reqs û dîlan û xweşî
 Diva bû tistekî bêjin çende gotinan di Newroz
 Zanîna rîn hinde bû gelo cejna te pîroz

Ji kevnare de, jî Kurdan re bûye adet ku, her sal di rojên Newrozê de, mêr û jin, kal û ciwan cilên xwe yê nûh werên, derkevin çol û banan, bi şadî û kêfxweşî, bi govend û dilan rojên xwe biqedînin. Rêvê bi pozê çiyayên bilind agiran pêxênin, bi gundan, bi bajarên, bi her deverê mirovên aqilmand civînan pêkbinin lîdora serborê û serpêhatiyên biaxivin, kar û zîra rên xwe di ber çavan re bibîrînin; bi vî awayî dîroka jîna milletê xwe di navbera Newroza berê û Newroza Nuh de bi bîrbînin û jîbo xebateke çaktir ji pêsende re xwe likarxin.

Jiber ku milletê din destê dijminê dilreş de maye, her gav rê nakeve wî ku bi serbestî bîrweriya cejna xwe ya Newrozê vejîne û şadimaniya xwe eşkere bike. Sal nîne ku piraniya milletê me bi dizî li çolan an di kûraniya zindanan de rojên cejnê neqwdînin. Vaye em dibînin çawan milletê me li Sûriyê ji bo vejandina bîweriya vê cejna pîroz bi destên hukûmetê tête qelandin û êşandin. Holê bi vî awayî ne tenê li Sûriyê, lê belê li herçar peçên Kurdistana nê bi destê dijminê hov û xwînxwar ve milletê me tête êşandin û Sotin.

Ji Newza parde milletê me ji destên dijminê xwînmêj zîla û zînatên rengareng dîtîyê!;. Li Kurdistana Îranê, Turkiyê û Sûriyê bi sedan xebatkerên Kurd di binê zindanan de cih girtine û bi sedan ji wan dev ji malên xwe berdane li çol û banan jîneke tehl û dijwar diqedînin. Lêbelê li Kurdistana Iraqê wî şerê giran ku dijminê hov û faşist ji du sal û nîvande bi ser milletê Kurd de girtiye dengê wî di herçar koşeyên cihanê ve werbûye. Di vî şerê xwînavî de bi hazaran mal hatinê sewitandin, bi hezaran mêr, jin pîr û zarok bi agirêtang û top û bombên napalm hatine sotin û qelandin. Lê digel vî qasî jî tevgera rizgariya Kurd a millî di zik hev de ji Newroza par û virde bi gavên fireh ber bi pêşve çûye, Nemaze di her du perçeyên Kurdistana Iraqê û Sûriyê de. Her kes vê pêşveçûnê bi cav dibîne. Vaye nîşanên serkewtina Şûresa pîroz li Iraqê bi xurtî xwe hildavêjan der û tevgera rizgariya Kurd li Sûriyê jî roj bî roj bilindtir dibe.

Di vî warî de rastiyeke dikeve ber çavên me ku çî perçeyê Kurdistana ku tê de lîwana tevgerê di destên partiyên Şûresîn de ye li wir tevger gihaştîye warekî bilind û pêş ve çûyî; û çî deverên ku tê de van celeb partî qels mane, tevgera millî jî li wir li şûn maye û pêşve ne çûye. Ji lewra, dijmin bi her endizeyekê şerê vansazoyan Şûresîn kiriye û hemî giraniyên xwe daye ser sitoyên wan, lebatên wan ji her kesibêtir cefayên giran dikşînin, li ber roniya vê rastiya han ji me re dixuya ne ku çî kesê kamgiriya qelsiya van sazî û partiyên Şûresîn bike, ew rast bi rast kamgiriya paşve histina tevgera millî dike, an rast arîkariya dijminê millet dike. Digel heyfina gelek zehmet û rêyên dijwar li ber milletê me, em bawermendin ku digel wêjî dê di têkoşî xwe ya neştimanî de serkewt bibe û di kêferata xwe de serfiraz bibe.

Em ji milletê xwe yî qehreman re vê cejna bi rûmet pîroz dîkinû heya cejna bê pêsketin û xwesiyê dixwazin.

(DENGÊ KURD, jimar:8, adara 1964)

NEWROZ be xoş hatî, we her bî rojî serxwebûn!!!

Xwendevanên delal!

Eve saleke ku Xwendevanên Kurd li Ewropa piştî borîna Newroza sala borî xwe kardikin û li hemû ewropa, çî li Ewropa rojhilat, çî li rojava bi dilekî germ û geş ji bo Newroza salî 1964 kardikin. Ne tenê li Ewropa, bêgûman evê hal û rewş li hemî Kurdistan li herçar perçeyên wî ên delal û sîrîn de. Bê gûmne ku bîranîna va roja ha qedreka xwe ya zor mezin û hêja di dilê her kurdekî de heye, nemaze di dilên welatperêz û nîştîmanpewer de kesên ku di Newroz de hezbûna hêviyên milletê Kurd dibînin. Me got ku Newroz qedreka xwe ya zor mezin û hêja di dilê milletê Kurd de heye, ji ber hucetên tîn:

1) Ji ber ku Newroz ne tenê cejnî jîni Kurdistanê, lê di Newroz de yekemîn carbû ku têde milletê Kurd bi mêranî û nebezûna xwe dikarî xelekên zincîrên koledarîyan bicîrîna, piştî sedan sal ji xebat û têkosînekê germ û zehmet, ji ber vê yekê han bîranîna vê rojê, bîranîna zehmetkêşiya milletê me û ji hêla din çirandûna zincîrên koledarî bi serketiya qehremanê milletê Kurd awayê gernaz û nebez, ji hêvî û daxwazê gelê Kurd re bû dergehên azadî û serfiraziye. Eveyê ku gelê Kurd piştî bi sedan sal dide ser wê şopa ku tê serbest û aza jî.

Eveyê îro gelê Kurd sitewandina vekiyan xebat û têkosîna van salên xwe di Şûreşa Kurdistanê Iraqê de berz û bilind bi çavên serê xwe dibîne.

Eve Şûreşa Kurdistan dikeve sala xwe seyî, lê roj bi roj xirtir û germtir û zanatir xwe dide hildan û xwe li hemû cihan. Şûreşger û Pêşmergeyên Kurdistan ên gernaz û nebez bi mêraniya Sereketiya qiyada wê ya têgihîstî û zana dikaribûn bi mêranî û baweriyên xwe yê kûr bi daxwazên milletê xwe bi demeka zor kurt, dengê Kurd li nava hemî cihan belavbikin û wê bi rastbûna daxwazê milletê xwe di jîn û mayî de tê bigêhin û lê hûrbikin û Şûresa xwe têxin ser besteka cihanê.

2) Newroz rojî jîni Kurdistanê, jiber ku li Kurdistan di meha adar be kurdîav di dar ango çila jîne a sîn dîkin ber xwegull û sîsin çavên xwe dibînkivin û serê xwe ji temara çar mehên vîstan ên sar û befir rakin.

Şivan bi pezên xwe ji paşiyên sibeftan derçên çiya û baniyên Kurdistan dikevin û berve zozanên bilind, cigêhên giya û nefel de diçin.

Xwendevanên delal!

Gava Newroz bi vî awî li Kurdistan dibê mîvan ew bi mêvadariya xwe dergehê xêr û berê li xelkê Kurdistan vedike û jîneka nû dest pêdike, xosî û şadiyê dixê dilên wan. Ez bi xwe hîç dûr nabînim ku milletê Kurd

û xelkê Kurdistan rojekê ji va meh pîroz bi cejinkin û têde şadi û xoşiyên xwe bidin xuyakirin, ji lewre "21" Avdar kirin cejneka tevahî beramber rojê ku tê Kawayê nemir zincîrên koledar cirandin û milletê Kurd bi serfirazî ja. Evaye ku milletê Kurd bihezaran sale ku van herdu cejnan bi hev re dike kêf û şahiyên xwe divê rojê de dide diyarkirin.

Li ser biranîna van tîstên ha û ji ber pêwîtiya ev nîrên ku di ser milletê Kurdistan re diborin, nêmaze di van roja de, bareka zor mezin hildide ser milên xwendvanên Kurd ên ku li Ewropa dixwînin ku gengê milletê Kurd di nava cîhanê de berz bikin, lewra meha avdarê meheke zor bi xebat bû bînisbet xwendevanên Kurd li hemû Ewropa. Gotin, lahan, govend û dîlan di bêtîrfîrîn bajarên Ewropa de hatin girêdan û gîtin. Gelek rojnemevan û acansê tîlvîsîyon û pellwesan di van lahanên de hatin dîn û gelek tîst li ser Newroz roz û xebat milletê Kurd belavkirin.

Hêdfî xwendevanên delal hûn dikarin qedra Newrozê, li gor van tîstên jorîn ku me dane xuyakirin nasbikin. Her bijî. cejnî Newroz Cejnî milletê Kurd û Kurdistan. Cejnî we pîroz.

Ş I V A N

PERÎŞANÎ

Xwendevanên delal û hêja!

Gava, ez li ser perîşaniyê ji we re di nivîsim, dixwazim bidim xuyankirin bê ev maka nexweşiya mezin a ku ji sedsalan de roj bi roj reh û saxên xwe di nava milletê me de berdaye, bê em çiqasî li paş histine.

Weke ku em dizanin perîşaniya mirovan newek berê ku bav û kalên me pê bawerdikirin, ku ew bi xwe ji ba Xwedê bû. Mirov nikare wê hilîne bide alî bêyî ku Xwedan nevē. Weha mirovan xwe li ber vê malkambaxiya han a mezin a ku destana wan têde dihat dîtin, xwe bê hiner û hêz didîtin. Pir caran bi hezaran, bi milyonan ji mirovan ji bircîbûna dimirin, careke din ên mayî aqilê xwe nedgirtin û xwe tê nedgihandin; ji ber remana efyûnê-ol-weha xîstîbû serê wan.

Milletê ^{me} reben ê hejar bi xwe ji vê nexweşiya han ne bê parbû û hêjî ne bê pare. Ji sedlan de ew di perîşaniyê de dijî. Ji sedsalan de ew roj bi roj dibêje: sal bi sal xwezî bi par. Milletê, ger wî bizaniba ku ew xwedanê xweye dikare jîna xwe, jîna civaka xwe bughere, pê bîne weke ku ew dixwaze, bê gotinbû heta niha milletê me di vê kambaxiya han de, di vê destana han de nedima reben, jar, bindest, bê mafe ji jîne nala Kolan li bân destên karbides-tên Hovên, Xwîmijên, Faşîstên Erêb, Turk û Ecem. Lê ji ber milletê me di vê yeka hande neghabû ji alîkî û ji aliyên dinvegirtina ji destên dijminên me ê Hov û Xwînmij ku wan her û her xwestine û nîna ji hêjî dixwazin ku milletê Kurd di perîşaniyêde bihêlin bi darê kotek û zorê, Kurd ji wan Hov û Xwînmijan re her û her Kole bimîne. Ji ber ew Hov û Xwînmij baş dizanin ku perîşanî rê nade milletekî ji bo pêşketinê. Dûmayîk li ser rûpelê 19

N E X W E Ş I Y A M E X W E Ş İ Y A N E Y A R A N E

Di gotara xwe a berî vê(Nêçîr) de bi nimandina wekhevîyê di nabera kew û kurdan de; min pêçiya(tilî) xwe dabû ser nexweşiyek me û derxistina kurmên wê wê jî ji xwendevanên xwe re bedabû. Îro dixwazim li ser çend nexweşiyên me ên cankuj binivîsim.

Ji bo derxistina van nexweşî û kurman pêwîste(gereke) ku mirov xwe zêde bi-êşîne. A ku tê xwestin tenê difroka me Kurdan vekirin û hûr û kûr lê kolan. Di her pel û rûpelên wê de ev nexweşiyên me pêçiyên diketin çavên mirov û her yek ji wan bang dike û dibêje "Kurdino hûnê kûrin ezê li virim".

Ev nexweşiyên me welê derketine ronahiyê ku nala xwediyê malê û dizê ku ketî mala wî bûne. Rojekê dizek dikeve malekê û xwediyê malê pê dihesê û digre. Holê tê ku xwediyê malê dixwaze diz berde, lê diz wî bernade. Nexweşiyên me jî hinde ji mexeyîdfîne ku neme me berdidine. Nemaze ev nexweşiyên me di nabera birayên me ên ku di Kurdistana Bakur de dijîn gelekî belavin. Wek ku hûr jî dizanin piraniya birayên me ên ku di perçeyên Kurdistan ên din de dijîn bi rêberî Partî Demokratî Kurdistan xwe jî gelek nexweşiyên xwe filitandine û berve serxwebûnê de dirin. Hêvî eve ku ev pitaniya sedî sed bo û ên Kurdistana Bakur jî rojekê pêşda bi xwe bihesin û van nexweşiyên jî xwe dûr bixin. Li ber çavên min nexweşiya me a mezin dilpaqijî, ezî- tî, bê bawerî, û oletiyê(dindarî). Ev nexweşiyên jorî bûne "boblat"(belayek mezin) li serên me. Di rojên difrokê ên kevn de bigre haya niha em her dem hatine xapandin, nebûne yekû me bi wekhevîyê bawer nekiriye û qima xwe bi yeketiyê naniye. Yek li van xapandinan ên giring di sala 1514 de bûye. Heya vê salê 45 Peg di Kurdistanê aza dijîn. Di vê demê de ceng di navbera Iranîyên Safewî û Tirkên Osmanî de hebû. Welatê me bibû qada cengê. Suîtan Selîm bi alîkariya Idrîsî Betlîsê hemû Peglerên Kurdistanê anîn serhev û li wana re dostaniyek pêk anî. Ev dostaniya han bi van car şurûtên jêrî ve bihata girêdan:

1) Beglerên di welatê xwe de azabin. 2) Gava ku cengek dijî Osmanîyan bibe hemû Begên Kurd tev laşkerên xwe ê di bin serekiya pasayê Osmanî de ser bikin. 3) Gavaka dijî Kurdan cengek bû Osmanîyên jî bi hemî hêzên xwe alîkariya Kurdan bikin. 4) Ev hevhatin û dostaniya ê herhe be.

Lê gelek mixabin ku ev dostaniya bi serektina Osmanîya û bi mirina Sultan Selîm re tev çû axê û Turkan nerîndû kire navbera Beglêra, ewana berdane hev hergav piştî yekî hirtin û ên din qels kirin. Ev dilpaqijîya me bo wan bû dermanek û bi hêsaaf hemû Kurdistan kirin bin destên xwe. Dîsan di sala 1937 de Kurdan doza serxwebûna xwe kirin, lê ev dilpaqijîya me bû navê olê dîsan bû xenîm me û bi destên Turkan û Kurdên bêvac (ehseq) 170 000 Kurd hatin kuştin. Ev arê azadiyê jî hate vemirandin û heya niha Kurdan li bakur nikarin ku careke din serê xwe rakin.

Vê dilpaqijiyê gelek caran serê me xwariye û bi milyonan birayên me di şarşa axê Zîlan û ên dide hatine kuştin. (Dûmayik li ser rûpelê 20)

Keçika kibritfiroş

Ç¹qas sar bû...şevine hişkesahiyê...Berf dadiket,pê re jî tariyâ şevê...
Şeva salê a paşîn bû.Sibetirê sersal...Di vê şeva ban de keçikeke pi-
çûk di nav kûçê û kolanan de digeriya...pêxwas û serqot.Gava terka mala
xwe da,şekalîn bi pê bûn:Lê bi kêrî wê ne hatin.Ew pêlavên diya wê bûn,
pêlavine kevin û lê fireh.Gava keçikê bi lez û bez jî ber erebekê xwe di-
da alî,ew wînda kiri bûn.Keçik li wan geriya,lê ew peyda nekirin.Sêwleke-
kî fereke wan peyda kir û ew jî erdê hilanî.Lê temaşa kir,kenî û got:"Ga-
va jî min re zaro çêbûn,ezê jî wan re bi vê şekalê landikekê çêkim."

Keçika kibritfiroş bi piyên xwe ên werimî û morbuyî di nav berfê dedicû:li
rizqê xwe digeriya.Di berwanga wê de pakêtine kibritan hebûn û elbikêk
bi destî ve bûn.Lê bû bû şev û hêj tîstek ne firoti bû.Birçî bû,diranên
wê dirikrikîn,jî xurtiya sermayê rûyê wê digermiçî.

Kuliyên berfêdiketin ser keziyên wê ên şeh û di pora wê a gungilî û hûr-
gurpik re diçûn.Lê tê de ne diheliyan,û li ser digerisîn.Heçko xwîna keçi-
kê jî cemidî bû.

Ji pecereyên xaniyan ronîke sîne li kuçan diherikî û bihîna qazên birastî
şîva sersalê li hewayê belav dibû.Belê,şeva sersalê bû.Keçikê dida eqilê
xwe,nizani bû çî bikra.Vegera mal?Ne wêrî bû.Hêj tîstek ne firoti bû.Ça-
wan destvala wê vegeriya mal.Ma jî bavê xwe re wê çî biçota?Ditani bû ko
bavê wê dê jê bipirsiya,te çi qas firotin?Gava jê re bigoşaa:"min tîstek ne
firot",kalo dê li wê bidaya.

Bi van reman û texmînan keçik ket navbera du xaniyan û xwe bi talda xanf-
kî bilind girt.Heçko ew der talde bû û xurtiya sermê lê diçûya.Ma xaniyê
wan jî derve jî talda wî xaniyê mîzin û depdepe gertir bû?Ma xaniyê wan
çi bû?Koxikek,jî her derê qulêr,Qulên koxikê bi ka û kicikan girtî bûn.
Lê bayê kanûnan tê re dihat û carina ew jî qulan derdixistin,tavêtin er-
dê û baranê jî bi xwe re dixiste hundurê koxikê.Keçikê li destên xwe ên
bêgoşt û terikî dinihêrt.Hestiyokên destên wê di çermê wê re xuya dikirin.
Qey çerm jî ser de ketî bû.

Tîstek hate bîra keçikê.Kibrîtek vêxista û di rivîniya wê de xwe germ bi
kira,çi dibû...Lê piştî mîdekî,bêfî lo bide eqilê xwe,kibrîtîk jî qûtîkê
kişand û ew li teniştê xwe,a elbikê şîdand...xirç...çi ronahîke geş,çi g
germeke sêrîn!Destên xwe ên qerisî li pêta kibritê gerand.Di germiya wê
kibrîtê de canê wê ê mirî qey veçîye.

Şehwîrin didîtin.Digot qey ^{li ber} ^{li ber} çîni û li ser doşekan rûniştiye.
Çiqas lê germ bû bû!Kir ko ^{li ber} xwe jî bûxe ber wê sobê,wan jî germ bike.Lê
soba jî nişkekê ve wînda bû.Li destên xwe nihêrt.Tîstekî di nav tiliyên
wê de reş fikir...bizotê kirîtê.

Keçikê kibriteke din vêxist.Diwarê xaniyê mezin di ber çavên wê de ,di b
ber ronahiya wêde qey bû bû pîpoqel.Bînahiya mirov tê re diçû:digihste
heta saloneke biheşmet.Di orta salonê de masake xwarinê xuya dikir.Li ser

masê, di nav lengerike isfehanî de qazêke biraştî hebû: kêr li pişta wî da-
cîkandi bûn. Niho wê bihatana, bi kêrê ew perçe bikirina û li mêvanan lêk ve-
kirana. Lê welê ne bû. Qaz xwe ji masê zer kir, dake t erdê û berê xwe da ke-
çikê... Kibrît vemirî. Di pêşiya keçikê de ji diwarekî stûr pêve tu tişt ne
ma bû.

Keçikê kibrîteke din vexist. Nihêrtinê keçikê disan di diwêr rw çûn. Ma ne
seva sersalê bû? Qirdikek çêkiri bûn û li dorê diyariyan danî bûn. Bi sedan
find vêketî bûn. Ci temaseke cazibar! Keçikê kir ko destên xwe dirêj wan bi-
ke... Kibrît vemirî, diwarê stûr ket ber çavên keçikê. Bi tenê find bi hewa
diketin û qesta ezmên dikirin. Gava gihastinê dibûn stêrik. Yek ji wan ket
û wek stêrkeke pepûk li sings ezmên xetêke sor kişand û winda bû. Yek dimi-
re. Belê, dapîra wê jê re digot: "Gava stêrkek dikeve, canekî ber bi xwedê de
dibe." Ax, ew dapîra delal, mirova tekane, ya ko jê re qenc bû. Heyhat stêrka
wê ji keti bû. Keçikê kibrîteke din vexist û ew da ber diwêr. Vê carê çî di-
bine? Dapîra xwe! Keçikê xwe avête himbêza wê, da ber qîran û got: "Dapîra min
dadika min, min zûka bi xwe re bibo! Ez dizanim, heke kibrît vemirî, ez te ji
wek soba çîni û qazê biraştî û qirdikê sersalê, te dapîra xwe ji dê winda
bikim". Keçikê pey hev kibrîtên elbikê hemî vêdixistin, ko dapîra xwe winda
nekit. Dapîra xwe tucaran evçen û spehî û dilovan nedîti bûn

Di ronahiya pêtên kibrîtê de dapîrê neviya xwe kir himzêza xwe; her du bi
perwaza milyaketan ber bi ezmên ê jorîn firîn. Ewçend bi hewa ketin ko ne-
ma bi serma û birçîtiyê dihesiyan. Gihast bûn nik xwedê.

Sibebirê emeleyên belediyê, gava kuçe û kolan rêş dikirin, di navbera du xa-
niyan de keçikek dîtin. Keçik li erdê rûniştî bû: hinarkêr wê sor dikirin,
kenekî zîvariyê di ser lêvên wê re diqeliqî. Keçik mirîbû: (Dema kotavika r
roja sersalê dida) ji serma yê qufilî di şeva sersalê de emrê
Xwedê kiri bû. -Dema ko tavika roja sersalê dida cendekê wê êhûr, xelk lê
diciviyên û ew seh kirin. Di nav tiliyên wê de darikekî kibrîteke vemirîrêş
dikir. Elbikeke vala li rex cendekê keçikê bû. Xelkê digot: "Dixwest xwe bi
kibrîtê germbike, lê..."

Lê ew tiştên spehî, yên ko keçikê sevêdî dîti bûn, ne dihatin bîra tukesan.
Disan kesîne zanî, çawan û bi çî awayî dihembêza dapîra xwe de pê li roja
salê a pêşîn kiri bû.

Bişarê S E G M A N, Ronahî, 19, 1943

Xwendevanên delal û hêja!

Azadî, serbestî, û serxwebûna milletan nehatine heta îro carekê ji ca-
ran di dîrokê de diyarîkirin. Her û her ew hatine sitandin bi darê kotek û
zorê ji Zorkeran, ji Faşîstan, ji Hovberan piştî gorîyên mezin ku ji bona
wan hatine gorîkirin.

J A N

Hela jan!
 jana kirêt,
 jana zirav!..
 Peritand
 Te ji min her,
 Cerg û hinav.
 Tu ketî
 Nava serê
 Milletê min,
 Nexweşbûn
 Girs û bişûk
 Tev mêr û jin.
 Te berdan
 Saxên di xwe
 Heya bi dil,
 Te gerând
 Canê di wan
 Tev rîs û kul...
 Tu jana giranî,
 Navê te nezani,
 Bê sik tu neyarî
 Bi hogir ûyarî
 Yarên te neyarin
 bo min wekî marin
 Jahrawan a cankuj
 Lêvên wan ên xwînmij
 Millet kirin sermest
 Nezan, dil û bindest
 Gelsok û reben jar
 Bindestê Kolîdar
 Ev bûne hezar sal
 Bê rûmet û bê al
 Bê gazin
 Bê deng
 Bê gilî
 Bê ceng
 Millet xwe sipart
 Dost û Yarên te
 Nivist ketê xw
 Di nav warên te
 Xeweke kambax
 Xeweke dijwar

Bêhêvî ji jîn
 Bin destên neyar
 Lî ser wî kom bûn
 Qirrakên lesxwer
 Cendek rakêsan
 Wekî seg û gur
 Melan bi nivîştan
 Şêxan jî bi xîştan
 Axayên diz
 Begên xiniz
 Bûn bav û diyên te
 Him dest û piyên te
 Bin darê Kolîdar
 Em hêlane zîvar
 Ji mal'
 Ji can,
 Ji vîn,
 û reman,
 Zorkerên xwînmij
 Sofiyên porgij
 Ji bo te piştîmêr
 Da ku bibin têr
 Rica te avdan
 Di canê millet
 Tu bû ji bo wan
 Heyîn û dewlet
 Holê li me dan
 Ew tîra cankuj
 Wan gurên bêbav
 Zûriyên xwînmij
 Ew gur
 Vegirîn
 Di kavilê berx
 Li me
 Badan
 Wan felek û cerx
 Holê
 Em bûn
 Dîl û belengaz
 Ji bo
 Rovî
 Her tewz û tinaz..

Hela jan!
 Jana teres
 jana qirêj
 Dinasim
 Tu yî jimêj
 Piştî me nasi
 Em bûne hisyar
 Karker û Côtkar
 Belengaz, Zîvar
 Gundî, Bajari
 Zana, Cewêlek
 Ji bo serê te
 Memî bûne yek
 Îro
 Millet
 Çickî pizivî'
 Zana
 Mexas
 Cih, cih dilivî
 Rêzan
 Komel
 Civîn û Civan
 Yekâtî
 Tevger
 Bû armanca wan
 Dawî
 Nasîn
 Ku tu yî dijmin
 Berî
 dan te
 ji rêyeke din
 Ew dê
 Jêkin
 Dest û piyên te
 Bikujin
 Bigurên
 Bav û diyên te
 Te cih
 nama
 Dinava Kurdan

Bimir
 Biqes
 Here nik Şeytan..
 Osman Sebrî,
 Bahoz, rû.31,
 sal 1956

Xwendevanên delal û hêja!

Piraniya me dizanin pasvemayîn, perîşanî û jêrbûna milletê me di fro de, di sedsalên bîstan de, lê kême ji me dizanin rêyên derxistina wî ji wê pasvema-yînê, perîşaniyê û jêrbûnê.

Ger em xwe bêşînin, hûr û kûr li dîroka tevgera milletan û netewan binêrin, dê tê de emê gelek serpêhatiyên hêja û giranbûha bibinin ji bona derxisti-na milletê xwe ji wê pasvemayîn, perîşanî û jêrbûna malkambax a ku milletê me ji sedsalan de hêji tê de dijî.

Gelek Millet û Netewên berî me di tevgera azadiya xwe de pir goriyên me-zin ji bona azadiya xwe gorîkirin. Hêviya wan ew bû ku piştî derxistina Zor-kerên welatên xwe, gihadina azadiyê û hildana ala xwe, dê welatên wan bibin buhustek yanji niv buhust li ser ruyê zemîn. Bi taybetî ev xuyaniya han di nava tevgerên Milletên li pasvemayî ên Asyan, Afrîka û Emerîkalatîni xweş dide xuyanikirin. Em Kurd bi xwe jî ji vê xuyaniya han ne bêparin.

Gava ew Milletên li pasvemayî xebata azadiyê û serxwebûnê dikinew azad û serxwedibin. Hinekî bi pêşve dirin, piştî ber bi derengî xwe ber bi pêşve dikşî-nin. Lê pir caran Karbidestên wan welatan welatên xwe ji Milletên xwe re di-kin zindan, cihgirtinê, cihpîskirinê û golek ji xwînê, ji dêlva ku wan ew ji wan re bikirina welatekî xweş ji bona jîneke xweştir. Karbidestên wan wela-tan soz û hêviyên fêkoskerên azadiya welêt bi cînayinin. Ewana dixwazin ku ew bi xwe û çîna (tebeqe) xwe ve bibin xwedanê xêr û bêrên dewlemenbûna welêt. Millet bi xwe çareke din nala berê dadikeve ber bi pasvemayînê, perîşaniyê û jêrbûnê dûri bajîtiyê (mediniyet) û jîritiyê (hezaret). Ew hêviyên bilind ên bi azadî û serxwebûna siyasîve girêdayibûn pirên wan bi cî nayên. Wê demê rastiyeke dijar nala zirav tê ber çavên Zana û Şehrezayên welatperwer ku divê li ser wan xebateke deha diwartir û bi ziravtir di nava welatê xwe bi Karbidestên xwe re ên Kevneperest, dûvik û Nokerên impiyalîyê re bikin, da ew bikaribin dadimendiya civakî, siyasî û abûrî di nava welatê xwe de bi cîbinin. Ew reman û armancên han pêk nayên, ger ku belavbûneke dadimendî di dewlemendbûna welat de neyê kirin.

Ev kar û bar han ji bo me Kurdan nekarekî hêsaniye. Ew bi xwe rêya sûreşa re-manê di de ber çavên me dijî pêkanîna civake me a çîni. Evaya bi xwe li ser me datine ku em her û her nala merevên Ramangîrên sûreşvan têkoşîn û xe-batê bikin, ji bona xweşbûna jîne a gelemperiya Millet di nava welêt de û newek nala merevên siyasî ên ku xwe li gor dorhêla xwe û pêkanîna çîniyên civaka xwe, xwe bi rêk û pêk dixin.

Milletê Kurd di vê pasvemayîn, perîşaniyê û jêrbûnê de, a ku fro têde tê dîtî deryekî mazin jêre di dîroka rojhilata navîn de hatiye vekirin, ger ku em yanji nîfşên ku li dû me tînt têkoşîna azadiyê û serxwebûnê dikin, bi hiş-yarî û zanebûn wêna bidin bi pêşve . Ji ber vîyeka han, divê em xweş ji ser-pêhatiyên dîrokê serpêhatiyên xwe bigrin, ger ku em bi xwazin jîneke deha x-tir di nava Milletê xwe de bi cîbinin.

ojekê dibên dixebitî yekî Hesinkar

Horsek wî li pêş çakûç bi dest beryanek di ber
i nava hesin rabû bijart gîsnekî kevnar

Da şagirdê xwe gotê: bibe bavêje nav ar
ereki hêla ew di kûrê sor dibû pir germ

Wî danî ser hors xurt lêdada haya dibû nerm
i zar giriya gîsin gotê: Hosteyê dilreş

Min çî bi te kir, ku mindixî nav agirê geş
olê bi çakûç li min didî bê dilovanî

Te dil naêşe bi halê min ma ne insanî
hesiker gotê: bes bizare belê mirovim

Wekî dibirî ne ewçendî dilreş û hêvim
Tu perçek hesin, ne hêjayî deh qurûşan bû

Bi vî halê han ne di çavên malfiroşan bû
Dê çêkim ji te şûreki tûj da yekî mêrxas

Mafê xwe bi te bistîne, ew pê bibe gernas
Rûmet ji te re çêbibe ji ber ku dibî çek

Rewşa te bi suhn dê rahêje dijminê pir lek
Bi agir nebe naçe qirêj ji gehwerê te

Kînga bê lê lêdan tûj dibe xweş dev û berê te
Dengê xwe birî gîsin îdî nema digazî

Ji dil xwe dabû ber êrîşên çakûçê tazi
Zanf ku bê west, êş û kûvan nabe tucaran

Çekekî hêja jê bitirse çavên neyaran

... ..

... ..

Em Kurd jî welê wekî gîsin jeng û gemarbûn

Lewra di nava gelê Cîhan hinde rûşbûn

Çiqas ketibûn gewherê me bi xwe hesinbûn

Di jîna civakî de bi durvê xwe gîsinbûn

Tenê bi kêrî cot dihatin serî di nav ax

Rûmet me ne bû, di ber lingên qels û malkambax

Ger destê felek lêneketa li nav çavên me

Li pêşî Cîhan kêr neketa deng û navê me

Çavên me bi zor venekirina wan neyarên ker

Li me nedana bi dilreşî tev çax û lasker

Bi top û tîfing, tang û napala sarûxên seşper

Çiya û newal, gund û bajar giş nedana ber

Welat bi agir nesûtana kambax û wêran

Si^rmiⁿj nebûna armanc ji bo xêcerû kêran

Ci pîr û ciwan, kecên zerî, zarok û mendal

Wek wehs û hovan nekûtana rîsîpiyên kal

Kînga me karî bavêje wê remana kevnar
 Ew remana ku bû hezar sal em pê birîndar
 Remana biratiya derew, ew girêka reş
 Ji kenî ve em pê xapîne ji me birin heş
 Ji azadî û serxwebûnê hêlane bêpar
 Bi me nehiştin reng û rûmet, ne ziman û zar
 Biratiya ku sinorê wê EFLÊQ xirake
 Destên Ereban bîne gewriya Kurda ke
 Dev bavêjin me her demê ew wekî segên har
 Em bêne kuştin di ber a qenc herwekî Sinmar
 Ev reng biratî pîsiye me navê tucaran
 Kesên bi rûmet xwe nakin ber destê xedaran

Osman S E B R Î

.....

E V I N T I Y A M I N

Gava tu tê bîra min,
 Kin dibin seet.
 Xem dîrdikevî;
 Xeyalek henik dora min da badikevî...
 Gava tu tê bîra min,
 Hestiyên min dilerizin
 ji evîniyê.
 Cavên te gola mirada, dengê te opera
 Lê bedewê!
 Lê bedewê! Gava tê bîra min
 Bejna Tîtal, hingêsewda teze teze
 Dikevî serê min.
 Te xap, xilaskir hişê min.
 Bejna tîtal dernakevî ji bîra min.
 Ez li Ewropa, tu li Asya:
 Mina kirine, em nkarin bighên hov;
 Mina kirine bi arîkariya top û tîfingan!
 Ez li welatekî azad serfirazim;
 Tu li welatekî zelûlî -li Kurdistan,
 Ê_{ku} dibîjî bin hikmê Fasistanda...
 Lê sûretê te cegera minva zeliqîye,
 Xeyalan di barîni... ..
 Porê kej
 Mina zevîya genimê zelalê gîstî
 Badikevin ber çavên minda:
 Ez orta agirê teda ,lê ji te dîr
 Kaldibim... ..

Lê dilberê!
 Min giştî zincîrê dişmintiyê
 Min giştî zincîrê miftexuriyê,
 Sikandin...
 Lê, lê tenê nikarim zincîrê evî-
 nitiyê,
 Zicîrê dîstiyê bisikînim.
 Gava tu tê bîra min,
 Ez nala teyra dixwazim bifirim;
 Sînor nasnakim;
 Bîrdikim zeman û mekan. Tu
 Tu omiga min.

M B O R

REYA SERDESTIYÊ TÎNÊ DI YEKBÛNÊ DE YE

Milletê Kurd îro di her peçeyê kurdistanê de ji bo azadî û serfiraziya xwe, ji bo jîneke bi rûmet û hêja daye ser rêya têkosîneke germ û xebateke dijwar. Di vê keyferata han de ew ji destê dijmin kuştin, talan, zilm û zînatên giran dibîne û pê tê sotin û qelandin. Le bi şaya mêranî û fedekariya xwe ew dizane di rêya azadî û serxwebûna xwe de awan xwe bide kuştin û tevgera xwe ya millî pêşve bide.

Li Iraqê piştî dernxûn bûna hikmê beisiyan, Kurd hêvîdarbûn ku Karbidestên nûh dê bikaribin daxwaza wan nasbikin, heqê wan di hikmê Zatî (awtonomî) di nava komareke iraqî demokratî de bidinê û agirê vê şerê xwînê jî ku ji du sal û nîvan de dest pêkiriye vemrînin. Lê mixabin ku van Karbidestan jî nikaribûn ji dengiya hikmê Qasim û Beisiyan destkewtî bi bûyana. Va ye em dibînin ku hin wek berê şer li kurdistanê dom dika mal û gund tînin şewitandin, jin, mêr û zarok tîne kuştin.

Li Sûriyê jî ji roja ku Beisiyan lîwana hikim di welêt de xistine destên xwe û vir de rêya neyartiya Kurdan dane berxwe û bi her endizeyekê şerê wan dikin. Wan dane ber çavên xwe ku birekê jî Kurdên Cizîrê ji ciyên wan derxînin heya ku di wê êrdimên de wan bikin hindikayî, ji bo vê yeka wan vê dawiyê rê li ber şêxên Şemeran vekirine ku Kurdan ji gundan derxênin û ereban ên koçer di şûna wan de bi cih bikin. Heya mesele gihîste warekî holê ku li ber çavên peyayên hikumetê Kurdan bidin ber gulan û bikujin, bêku ji kirên xwe berpirsiyarbin.

Her çend li tirkîyê jî hikûmetê rêya pêşketinê yekcar li ber Kurdan girtiye ji hemî maf û hiqûqên millî bêpar hiştine her çî kesê doza wan heqan bike an tê kuştin an jî di binê zindanan de dirize. Bêrî çandakî ajansa xeberbêjên Îstabolê rageyand ku middeflamê Tirk darvekirina bîst û sê nistimanperwerên Kurd xwestiye. Gunehê wan ew bû ye ku alîkariya sûsera kurdi iraqê kirine.

Bi vî awayî em dibînin ku her çî tevgera me ya millî di warên hundur û derve de serdest dibe, her diçe dijmin hartir dibe û bi hovîti êrîşî wê

dike Ji ber ku lîwana tevgera millî di destê partî û saziyên kurdi de ne ji lewre lebat û endamên wan ji her kesî bêtir dikevin ber êrîsên dijimin ên hov û tîn êşandin. Ji ber vê rastiya han heya ku Kurd di vî şerê serxwebûnê de serdest bibin divê ew berpirsiyariya difroka bîra bibin û rê li pêlanên dijmin bigrin. Ji bo vê yeka divê ew bi dilgermî xwe li dora saziyên xwe yê şûreşî bidin hev û yekdest û yekcan li pêş dijimin rawestin.

(DENGÊ K U R D, Jimar 7, sal 1964).

Kurdino!

Doza azadî û serxwebûna we divê her û her li ber çavên we bin, ger ku hûn bixwazinnala mirovan bi rûmet jîneke xwestir di welatê xwe bijin.

K E R Ū A Z A D Ī

Nêriki kovî hilmîştî û seng
 Di dîrsêgekê dicêrî wê deng
 Hate wî pêjna zirîna kerê
 Dengê wer pîs ne dibû berê
 Serê xwe hilda li dor xwe nêrî
 Dixwest bi zane ka kî dizirî
 Hew dît kerê reş dîke qreçor
 Dide tîzikan wî bêvil li jor
 Li ser piştî wî kurtana kevnar
 Di usta zengil, di serî hefsar
 Hate nik kovî gelek serîran
 Daxhefsar di ling dihat rapêcan
 Digote kovî: "tu çi tebayî?"
 Bê kes wa li çolan serberdayî!...
 Boci bernadî van rêl û govan
 Were te bibim nava mîrovan
 Ne heyfo halê bê xwedî û yar
 Binîni sêser bê afir û war
 Kovî digotê: "ho birakê ker!"
 Peyva te beyan bo mî seraser
 Ev giya hemî cih û warê min
 Çi kesê hilçak dost û yarê min
 Min navê afir ne divê xwedî
 Ji roja kûn kûn min xwev azadî
 Ev gîrota te bîfesa û şaş
 Tê de nabînim tu ya rast û baş
 Gelek xeydî kerê guhdirêj
 Got: Mî ser û ber nepeyvîna hej
 Min heye xwedî, ji bo min axur
 Avakiriye tê hene afir
 Tucar nakêşim xema xwarinê
 Heya ku hebim li rûyê dinê
 Xwarin vexwarin bêjimare pir
 Dema bixwazim dikim zirezir
 Bo sermê negriya da mi ev kurtan
 Nadim bi eba kafxoyê Botan
 Xiste serê min roçme û sergax
 Bi dengê zengil her dibim serxweş
 Min li mal hene du qeyd û merbend
 Pê tîm girêdan bi kapok û zend

Nabin pelfise ji bo gurê zer
 Dibê wî xwarin gelek pez û ker".
 Kovî dikenî dagot: "ne waye
 Tirsî di dilê te de bê ra ye
 Gur jî wekî te gelek tirsoke
 Heye hîn pirtir qels û bizdoka
 Xurte çî dema qelsan bibîne
 Qelse çî gava xurtan dibîne
 Tirsê di dilê xwe de gerde
 Vê remana pîs bavêje berde".
 Kerê digot wî: "ne bê ziravim;
 Lê wek biçûkê bê dê û bavim
 Çawan dê vê kêfê hemî berdim
 Kurtan û hefsar, afir bi derdim
 Kêfa xwe dikim wek mîr û paşanNav
 Navên bigerim li gaz û kaşan".
 Kovî digotê: "tu guhdirêjî
 Totik valayî mejî qirêjî
 Hê tu nizanî çawan bûye dil
 Piştî te cedaw hemî girêk, qîl
 Te çî ji xwedî, divê azadî
 Serme ku tu wa bi dilî sabî
 Bavêje tu hefsar, kurtan, zengil
 Ma qey te nînin mejî û aqîl?
 Hefsar jî bona te pê girêde
 Merbend û qeydê bi ser de lêde
 Kurtan ne ji bo sermê negri
 Piştî xwe li ber parê wî vegri
 Bibî xulemok li ber derê wî
 Heya ku hebî her tim kerê wî
 Kesê bi rûmet qîna xwe nîne
 Vê kêniya han bi xwe de bine
 Wer di gel min zozan û çolan
 Şargebin li dor nêrgan û golan
 Dê hîn bizanî azadî çiyê,
 Kesê te xwedî dinasî kîye".

... ..

Guh bi xwe de girt pêl bû kerê reş
 Dihat bîra wî tolik û kerbes

Dora gund tijî sê mehên buhar
 Payîzî bê tirs ne pakî dixwar
 Çawan mê xêrê dikere berde
 Heye ku canê sêrîn bi serde
 Ji bo azadî nefel û giya
 Nexwest gund berde derkeve ciya
 Digot: "ez nasêm bijîm bê hefsar
 Bê axur nabim dema bû êvar
 Azadî çiye? digel tirsê can...
 Bê tirs min divê bixum parîk nan".
 Gava bihistin kovî ev xeber
 Digotê: "raste aza nabin ker".

L A B Ū T

B A W E R Î

di warê xebata welat de
 Em dikarin bêjin ku bawerî di warê
 xebata welat de çeka xurtir û hêja-
 tire. Çi xebata ku li ser hîmê ba-
 weriyê nehatiye danîn neçûye serî
 û hafil (semere) ne daye. Çi xebatên
 ku hafil dane û çûne serî, dema em
 lê hûrbibin, dê bibînin ku hîmê wê li
 ser baweriyek xurt û tikûz hatiye
 danîn.
 Îro, em Kurd ji her tiştî pitir hew-
 ceyî baweriyek xurt û tikûzin, ji lew-
 re min divê goreyî nasîna xwe ji bi-
 ra û hevalên xwe ên xebatker re sa-
 lixdana baweriyê bikim.
 Baweriya ku em Kurd ji xebata xwe re
 bikin bingeh diçav min de wek kursi-
 yek li sê lingan e, çî gava lingek ji
 wan kêmbê li ser xwe namîne û dê bi-
 keve. Eger mirov aliyê bê ling hilpesê-
 re (istinadkirin) cihekî din, an tiştêkî
 deyne bin, ew kursî nikare giraniyên
 mezin hilgire ser xwe.
 Evin hersê lingên baweriya tikûz û xurt
 1- Divê em bi rastî û dadimendiya (eda-

let) daxwaza xwe bawer bin.
 2- Divê em bawer bin ku çî demage-
 lê Kurd ji xew hişyar be, dê bibe
 hinerek mezin ku tiştêk xwe li ber
 xurtiya wê nikare bigre.

3- Divê baweriya me bi me hebe ku
 emê bikarin gelê xwe ê nezan û
 paşvemayî ji vê xewa malkambax hiş-
 yar bikin û bixin ser rêya xebat û
 têkoşînê.

Ji van hersê lingan kîjan ji bawe-
 riya kurdekî kêmbê, divê bizane ku
 baweriya wî qelse, ji lewre divê
 derbasî qorê (rêz, sef) têkoşînê yê
 pêşîn nebe. Tevî ku baweriyek kêmbê û
 nabe dermanê xebateke mezin, gelek
 çaran dibe û şta pir ziraran jî.

H I L L O F

Kurdino!

Hinera ta a mezin a ve-
 şartî ji bona azadiyê, serxwebûnê
 û jîneke xwestir di hinera Sivan, Gaw
 van, Karker û Cotkarên de daye.
 Ger ku hinera te a mezin di Perî-
 şanên te de dîn xuyanîkirin, ger ku
 Azadî û serxwebûna Kurd û kurdistan
 di wê hinerê bi xwe de tê dîtin,
 bizanibe ku Çiya yê te ên bilind
 ên asê parêzgerê te bûn di demên
 kevna de ji ber windakirinê. Ew di
 dema niha de û a tê de Paşmêrê çak-
 tîr û paktîr ji bona Azadî û Ser-
 xwebûna teyî. Ji ber vê yeka han,
 divê ev herdu hinerên han bi bastir
 û çaktîr bi karbên, da em bi leztir
 û beztir bighên mafeyên xwe ên ku
 ji me hatibûn talankirin û jî nala
 Milletên dinjînek xwestir di nava
 welatê de bijîn

Li valî û li wali/wî ^{nexweşiyên} ên civakî bir dibin û wî ber bi jêrbûne de her û her dikişnin. Ji ber perîşanî maka nexweşiyên civakîne.

Lê gava em ji xwe re hûr û kûr li dîroka mirovan bi tevayî binêrin, dê emê bibînin ku Aqilmendan her û her xwestine ji tiştên neqenç, nepak tiştên qenç û pak jê derxînin, angê wan bikinçî bona xweşkirina jîna mirovan.

Rast ku perîşanî pîstirî nexweşiya civakêye, çî civaka me be yanî çî civakên mirovên di bin. Ji ber vê yekê han divê em milletê xwe hisyarbikin li ser vê perîşaniya malkambax a ku ew têde dijî. Bi hisyarbûna milletê me di perîşaniya xwe xwe de, bê gotine Hovên, Xwînmijên, Faşistên vegirtvanên Kurdistan ên Ereb, Turk û Ecem bi leztir û beztir ji nav xakê Kurdistan tên avêtin, yanî li wir tên jorkirin.

Em dibînin, bê îro perîşanî li çarkeharên Cihanê çiroleke mezin di nava civakên mirovan de di lîze ji bo kûrkirina Şûreşa civakî li ser Hov û Xêrxwerin xêr û bêrên welêt û dewlemendiya wî a welatî.

Milletê Kurd, weke ku em tev dibînin ku ew bi vê perîşaniya xwe hisyaye û lê hisyar bûye li tevaya Kurdistanê.

Ev hisyarbûna han bûyîneke û mizgîneke mezinê di dîroka milletê me a sedsalan de. Ji alîkî canê derxistinê, canê azadiyê, canê serxwebûnê û canê derketinê di nava çarkeharên Kurdistan de tê belavkirin hew dijminên Hovber, Xwînmij û faşist ên Ereb, Turk û Ecem dikarin vegirtina xwe li nava Kurdistanê de bihêlin. Ji aliyê din remana Dadimendiya Civakî belavbûna rast û durust di dewlemenbûna welatê me de, nemaze ji bo kara Sivan, Gavan Karker û Cotkarê Kurdistan. Bi kurtî ji bona Perîşanên me, ewên ji hezar sal bawî di civakê de mabûn. Bi belavbûna hilanîna perîşaniyê ji nava Kurdistan, bi vê remana han, dê gelemperiya Kurdan bi can û dil, bêveger hemû hiner û hêzên xwe bi karbînin, ew hiner û hêzên mezin ên heta niha veşartî, tawî û bawî mabûn, ji bona azadî û serxwebûna Kurd û Kurdistan.

Weha, em di binin di perîşaniya Kurd û Kurdistan de azadî û serxwebûna xwe, ger em wê bi zanebûn û hisyarbûn dijî Hov, Xwînmij, Faşistên Ereb, Turk û Eceman bi karbînin.

S O R O

Bi vê xwinrijandina han jî neyarên me têr nebûne û tirsana wan her ku çûye bêtir bûye. Vê tirsê xwe li ber çavên wan mezingariye, xewa şevan li wan heramkiriyê nizanin çî bikin. Niha jî geh bi navê axatiyê û partiyê dudilî xistiye nava me û bi vê siyaseta han daxwazên xwe tîne çî. Siyaseta Tirkan a mezin eve ku qasî jî destê wan tê Kurdan bikin dû sipan û wek dikan berrewsaxweyî ku tê dedijîn bifikirin. Gava ku hêlek bi vî awayî xistin qîma xwe pê nayanin û vê carê bi destê ê ketî digrin û berdidin ser yê din û vê carê ên din dikin qermelax (wek kewên gundan) û li ên berê bêtir pîsitiyê pê dikin. Ev nerindiya han rikê dibe dibe nava wan û bi navê heyfê hilanîne demeke dirêj domdike. Zarokên wan jî di bin wê barê dijminîtiyê de dimînin hata demeke dirêj. Zorkerên me qîma xwe bi vê yeka han jî nayinin, rêya xwendinê jî li lawên Kurd digrin. Di dibistanan de zimanê me qedexeye. Ji roja goraniyên turkitiyê didin gotin (ez tirkim, ezî rastim, bav û bîyên min tirkim). Ev Zarokana bi şovîniya tirkan ji 5-11 salan dixwinin û bi rastî jî ji wan gelek dibin Toranî. Gava ku dixwazin têkevin zanîngehan rêya wana tê girtin ji ber zanîgeh wê wana şiyarbikin û ji ber her tiştî zanîgehê di Kurdistanê de tunene û Kurd jî neçar in nikarin lawên xwe bişînin diyarên Rom. Hin jî vê giringtir jî ewe ku mamostayên (muelim) wêna bi çakî wana hin nakin. Her dibistaneke Kurdistanê ên gundan mamostayekî xwe heya, ê bajar jî bi ser bî -pêncan ve dikevin. Lê yek li ê bajarên Tirkan de 60-70 mamoste heye. Ev kemaniya mamostan jî xortên Kurd qels dihêlin. Gava ku yek her tiştî dide ber çavên xwe û dre zanîgehekê gereke ku imtihanekê jî xwedivanên din re bi de, ger ku bi serket dibe ku bikaribe bixwîne! Wek ku hûn jî dibînin divê em bi let xwe bi van nexweşiyên ku me bi hev din pîsdikin biflitinin û bi parêzînin. Eva jî bi yeketiya xebata bi hev re dibê. Yeketiya ji bo bi rêxistinekê (saze, organizatsiyon) bi nav dibe. Nik vê rêxistinê jî bi hev dî û doza xwe bawerbûn gereke. Divê êdî em bi yeketiya, wekhevîyê bawerbin û qîma xwe pê binin.

R E Ş O

 J I R E W Ş Ê N Ş Ū R E Ş A M E

Di vî warîde, ev warê bê bihur, ku merov dikare bi dîr û dirêjî li ser bi peyive, ez dixwazim hinekî bi kurtî li ser hin tiştên bigehin, ku bûne paşmêr jî destpêkirin, man û xurtubûna vê şûreşa me a pîroz, bipeyêvim. Pi rast û durûst bû, ku millet pewerên Kurd bi milletpewerên Ereba re katin cenga biratî, a paraztina komara 14 tîrmehê, ev komara, ku bi ser yeketiya xebata, herdû milletan ê Kurd û Ereba, hate dinê -ji bo bi cih kirin û pêvebirina mafeyên xwe ên millî. Lê heyf û mixabin, ku Qasim zû, nebes bi pasde vegeriya, lê bi bê mirovîtiê êrîş berda ser gund û malên Kurdan, piştî

sikenandina wan hêzên, ku di dû xapandinê rastî pir bi wan xweşdibe û xweş
dikirin, bi dengê bilin, bi ser bigrîn. Ji lewra milletê me ê nebez, bi dil
û can dest bi şûreşa xwe a bi pîrozî kir û sûnd û peyman xwar ku ewê ji bo
bi cih kirina daxwazên xwe her tistî canbêzar bikê. Ji lewra, bê tirs em di-
karin bêjin ku ev tist yek ji esbabên xurtbûn ku hebûna Qasim bi leztir a-
nî dawiyê.

Niha û piştî ku bi mîratxwerên Qasim werê ku serê bi Kurdan re seyranêke
xweş, dawî di karin bi serbestî û bê tirs armancên xwe ên qîrêj, ew arman-
cê ku bi destên Kolîdar hatne danîn, bibin serî. Lê wer xuya dike ku seyran
di çiyê de, ne ewqas rihete û ew seyranna ku di (di rîsaleta Xalid) de tiş-
tekî dine.

Eger em bîn û li van bûyinên han ku bi vê sûresa me a pîroz re dibin
heval û digel wê de em sûrên ku Kurd ta niha pê rabûne, em xwes tê de mijûl,
bibin emê xweş karibin bizanibin ku çine rewsên van sûresan, gelo çire ev
sûreşa ya ji ên buhirîn cidaye, di warê rews û çû nityê de.

Bi min, ku em piştî hin esbabên wext û cigah -binin ber çavên xwe, emê
xweş û bê dil û dîn karibin bi bêjin ku: Hisyarbûna millet û têgihistina
wî di qeziyeta wî de, dawî civîna her millet perwerekî li dora vê sûresê
û di sereketina wê de serfiraziya xwe dibîne.

Hebûna partî û civatên Kurdî ên pêşverû ku bi rengê rast û durûst
karibûn xwes berê millet bidin rêya rast û wî di qeziyeta wî de bighînin.

Evbûn hin ji rewsên vê sûreşa me a ku bê şik wê daxwazên millet -ev
milletê ku bi tevayî dike qîrîn; YAN KURDISTAN YAN JÎ NEMAN-bi cih bîne.

S E F O

B I L Ū R V A N (A P O)

Serxweşim bi ava çiyân

Rê vekin ezî bi lezim.

Bi girîna xwêçk û dîyan

Dîn bûme berjêr dibezim.

Lêxe bilûra xwe bilûrvan

Belave pez nemaye şivan!

Divê bo kêrê be berxê nêr

Min berdî gurên bêbav.

Eve hat roja xortên mêr

Nema dixapin bi sûrên xav.

Lêxe bilûra xwe bilûrvan

Belave pez nemaye şivan.

Tikaye şivanê delez

Berde vê banga lorikî

Mij û avê bike zelal

Daxwaza mine ronîkî.

Lêxe bilûra xwe bilûrvan

Belave pez namaye sivan

Min bibhore ketim derengî

Rêberê hêja ezbenî

Dema di qetim li kêrî

Dest bi xirosmêke ez gorî

Lêxe bilûraxwe bilûrvan

Me dilxweş bike ti yî sivan!

R E Ş O

L i Pêxekê Mayîn Seremkariye

Bê gûmane, ku her mirovekî, milletekî an welatekî adetên xwe ên xweser hene, ji milletên din vedqetînin. Ew mirov an ew millet li gor wan adetan xebat, îş û karên xwe dimesînin. Serme û kirête ku kirên mirov ne li gor adet û baweriyên milletê wî bin û rewsa gelekî ne wek gelên li dorhêla wî bin; ji ber ku tevî her milletek an mirovek adetên xwe ên xweser hene jî, lê ji hêla din ve ji bona teva adetên tevayî jî hene.

Gava em bêne ser pêkanîna Cîhanê û careke lê hûrbibin, dê emê têde bibînkû her milletek Dewletek wî heye. Ew Dewleta han milletê xwe bi milletên Cîhanê dide naskirin, bi navê wî civat û kongirêsên Cîhanî nêweriyê dike, ji serê Zorker û Kolîdaran diparêze, wî dide xwendin û hisyarkirin, dike û dixebite ku her û her wî bi pêşve bibe û bi jîneke hêja û qenc bighîne.

Herçî milletên mayî jî qîma xwe bi wan tistên jorî anîne ew jî bi wan bawerkirine û ji dil û giyan dane ser wê rêya hêja û bi rûmet. Ji bo gîhandina wan armancên giranbiha gelek wêst, xebat û xwe êşandin, xwîn dayîn bi comerdî. Loma wek em dibînin roj bi roj millet dihên doz, daxwaz û mafayên xwe ên millî û nestîmanî. Ji ber vê, merov kare baje: rojê Dewlêtek teze derdikeve û dikeve Koma milletan. Loma jî jimara Dewletan ji heftê piştî cenga Cîhanê a dudûwan gihist dora sed û dehan. Ji vê jimara han çî resîn, zer û gewrin ji afrîqa, Asyan û Emerîka latînî ne.

Dema em vegerin ser milletê Kurd, dê emê bibînin ku tevî di rojhilata navîn de dijî û di sedsalên bistan de ye jî hîn bidest, ji Dewlêwê bêpar û welatê wî perçe kirî maye. Ma gelo mayîna Kurd wisa bidest, dil û kole di sedsalên bistan de, sedsalên azadî û rizgariya milletan, ne tistekî derî adet û rewşa milletê Cîhanê ye û xelkê tevaye? Ma mayîna Kurd derî adet û van rewşan di çavên alemê jî wî re sermeke giran û nebasîyek kirête? Heya em Kurd van sermiya han ji aniya xwe bişon, divê em jî xwe wek xelkê bikin, ango em jî bi rîzgari, serxwebûn û yeketiya Kurdîstane bighên. Lê em di karin bighên

wan armancên delal û hêja piştî west, xebat û xwîn rijandinê. Loma barê gi-handina jîneke bi rûmet û rizgariyê cak hinekî girane, lê ne gelekî di jwan Ji ber ku ji Kurd re jîneke hêja û bi rûmet divyaye, divê bi mêranî û xurtî bide ser rêya xebatê. Lê ger bi awakî tevayî Kurd gis divên ji bo van arman-can ên bilind karbikin, lê bi awakî xweser û pirtir divê xortên Kurd li ber van barên han rabin. Nemaze Xortên xwendevan bîrwer û zana divê para wan zortir be.

Rabin destên xwe vemalin û têxin destên hev, bi yek dil, yek dest ji bo armanca Rizgariya Kurdan û Yeketiya Kurdistanê bi dilekî xurt, baweriyek tu-kûz û vînek polayî dest bi hişyakirina millet û vejandina ziman û dîka wî bikin, pasê bidin ser rêya gi-handina mafeyên xwe bi dil xwesî an bi zor.

Tevî vê divê em ji bîra nekin ku piraniya xortên Kurd di armancên mil-letê xwe gihîstine û baş bîrbirine. Ji lewre bi mêranî wekî sêra xwe ji bo xebatê amadekirine û di vî warî de roj bi roj bi gavine fereh ber bi cihanî na armancên xwe ên bilind diçin. Vê yeka han hêviya merov gelekî xurt dike ku roja azadiya Kurd pir nêzik bûye. Va ye şûroşa gelê Kurd li Kurdistanê Iraqê mizgîna vê roja delal tîne ber çavan.

Herçî xortên mayî jî, em gelekî hêvîdarin ku ew jî vê rastiya han bi-nin ber çavên xwe. Bîndestiya gel û welatê xwe heya îro bi xwe giran bibinîn dest ji destkewtiyên xweser û xizaniyê berdî, baweriya xwe bi rêxistin û saziyên neştîmaniyên demokratî yên rizgariya Kurd û yeketiya Kurdistanê ji xwe re kirine pergala, bîniq qelsiyê, dilitiyê û bîndestiyê ji xwe dawes-î-nin. Weke şêran destên xwe di destên birayên xwe yên neştîmanperwer û welat parêz xînin û tev de xwe ji keftileftek û têkosîneke çaktir re pêk binin. Ji bona azadî û serbestiya Kurd û rizigari, serxwebûn û yeketiya Kurdistanê em pêsketinê dixwazin.

G Ê N C O

=====

D I Ç I M H E C

Nîveka tîrmeh çilê havînê dinê qijilbû kelkela germê,
Lebatên me sist alî hev nakin, gêj û sepeze wek bayê termê,
Li bende tiram li pêş Bereda min xwe da sersî û tê rawestîm,
Dît komek zîvar bi pot û pertal li hev dîcivin ez lê dawestîm,
Bi şal û şapik û kum û destmal çî kal û ciwan riha wan dirêj,
Ser û çavên wan, dest û lingên wan çek û cilên wan tev bûne qirêj,
Dena min guha da peyv û şora wan, kesm û durvê wan minzanî kî ne,
Kurdên belengaz, nezan û bêkes, rê ji ber wenda her bê xwedî ne.
Diçûm nik wan welatnenasin heye ku hin jê bixwazin rêber,
Min çû silav kir halê wan pirsî, wan vedigerand bi kul û keser.
Berî her tistî zînata neyar bi kul û hezrîng digotîne min,
Ji peyva wana baş têgehêştîm, ku welat çawan bûye ser û bin.

Min digote wan:bismamên delal!ma hûn ji bo ci serî datînin?
 Di welatê xwe bûne sitemkêş vê bindestîyâ giran nabinin!..
 Kesê bi rûmet ma qet dikêşî,bê ceng û lêdan vê zînata han,
 Gelek bi tewat we divê xebat bi sev û bi roj ji bo Kurdistan.
 Yekî rîtilxir bi ser û seke di nav wan de bû gote min:pismam!
 Te ci ji welêt hinde dipirsî,waye em hatin gihan erdê Şam,
 Welat ma li wir em diçine Hec,da ferza Xwedê em bikin eda,
 Me pez û dewar,hêstira bin bar,bazin û guhar di vê de da,
 Niha me divê ji kerema xwe me bigerîni li hin ziyaret,
 Heya ku Xwedê ji me bê rehmê em tev bi hev re biçine Cinet,
 Min lê veşeran bi dilekî kul û gengekî xurt:ho kalê xirfaz,
 Ma tu dizanî bi çi awayî,ji bo çi mayî,qels û belengaz!
 Te xwe bîra kir nema dizanî azahî çiyê,rûmet û namûs,
 Neman li nik te rehên mêranî,te serî di ber koleyî pabûs
 Te çavên xwe dan jîyînek teres dixwazî hemî pîs bijîn,
 Vê kêniya han ji bona însan pê razî nabin ne Xwedê û dîn.
 Te diwazde mîlyon Kurdên belengaz li pişt xwe hiştin vaye diçî Hec.
 Ne bi meqeresî,lê bi biratî divê digel te bikim şer û leç
 Ma tu dizanî,kalê buhistxwaz!Her salê çiqas di vê rêya han.
 Bi ramanek xar,xwe dikin zîyar malê xwe didin nezanê Kurdan,
 Ji bo ci dewar,hêstira bin bar,bazin û guhar te hemî firot.
 Xwe kir belengaz,zav û zêcên xwe te birçî hiştin kezeba wan sot.
 Ev malkambaxî,west û dijarî tav hemî ji bo ku bên Hecî ye,
 Çûye Hîcazê û mala Xwedê gora Pêxember pev re dîtiye.
 Ma çûna Hîcaz û mala Xwedê kinga dikarin te bikin aza,
 Tu maye bidest,jar û gêj û most wekî pepûkan nêrara baza,
 Ew diravê ku di vê didî,tu pê dikarî gelê xwe yê jar.
 Ku ji nezani hate girêdan bûye pelîse ji bo kolîdar.
 Ji nezaniyê,ji bindestiyê,ji robeniyê bidî derxistin,
 Divê şiyar bin ji vê xwewa pîs ,ji bo we serme îdî nivistin.
 Te divê Buhîst lê tu nizanî,di kû re diçin Buhîsta regîn,
 Ji min bizanê rêya Buhîstê bi xebata rast xwe bike zengîn.
 Keç û kurên xwe baş bi xwedîke wan bide xwedî da bibin camêr.
 Li pêş neyaran serê xwe hildin doza xwe bikin wek piling û sêr.
 Dema aza bûn di welatê xwe Buhîsta dinê dikeve dest wan,
 Bi serfirazî dkarin bijîn wek gelên aza bi şerf û san.
 Nayê bîra te pismamê delal ku Yazdanê çak kesên bi rûmet.
 Bêpar bihêle ji Buhîsta xwe ji teralan re bimîne Cinet.
 Kesê nikare niştimanê xwe ji destê neyar bi derxîne,
 Bê sik terese divê bizanî,mirovê ters bawerî nînc.
 Bê sik terese divê bizanî,mirovê ters bawerî nînc.
 "Hezkirina welêt ji bawerîye"holê dibêje Pêxemberê me,
 Rêya rûmetê ew pêş me dike dixwaze bilind bibe serê me

"Her serbilindî ji bona Yezdan, ji bo Pêxember, kesê bawermend",
 Quran dibêje vê gotina han, bide bala xwe birayê lewend.
 Ci gava aza bûn hîngê dikarin wê ferza Xwedê enî bikin eda,
 Bi dilekî ges, rûyekî sipî herin Hicazê bo mala Xuda...

=== === === ===== =====
 Vê gotina min cihê xwe digirt li ser cavên wan şopa wê diyar,
 Serekî dirê ewkûr diramîn, serê xwe hildan tev dibûn siyar.
 Yekî ji wan digot: "mala te ava derdê me nasî te xêra me xwest,
 Roniyek hêja êxist serê me, çavê me vekir bi gotina rast.
 Piştî peyva te hinekî ramîn ez sasîyên xwe tev de dibînim,
 Roma teresbav, bavê min kuştin, ji wê hîngê ve ez dilbirînim.
 Lê ez ci bikim her şev li odê sîret dikirim Melayê Zircol,
 Buhîst û Dûjeh dida ber çavan, wî ji min şikand dest û ling û pol.
 Holê ez şaş bûm xwe ji bîra kir tola bavê xwe, welatê bindest,
 Kêsa neyar hat serê me pelaxt bi goyê zorê hikmê xwe dibest.
 Lê ez sond dixwim bi rûmeta xwe ji firo pêve ji bîra nakim,
 Divê veşerîns şopa xwe de tola bavê xwe û welêt rakim.
 Di nava welêt, Dê Rawesînîm Bi Van Destên Xwe Riça Kolîdar,
 Divê Bimire û Bête Kuştin, Bête Pelaxtin Wekî Serê Mar".
 Hevalên wî tev, bê kalê xirfaz sonda wî xwarin ku tev veşerin,
 Ji bo Azahî, ji bo Serxwebûn Xebatê bikin li pê bigerin.
 Dema holê bû ji nav wan derket bi dilekî kul kalê rîtilxir
 Pirtalên xwe girt dikir polepol, ji bo Hicazê diçû balafir.
 Digek ên mayî ez cûm garacê me bilêt birin bi şahîya can.
 Da bi rêkevin sibetira wê berê xwe bidin alî KURDISTAN.

(OSMAN S E B R Î , Dêrdên me, rûpel 9)

==== ===== ===== ===== =====

Ev riya ko ser bilindî têde ye tev rêl û kaş
 Canfida xweş pêde çûne, qelsmêr mayî li paş
 Hestiyê millet dikojin wek segan û gornebas
 Hedem û dostê neyarin, wan millet hîştin li paş
 Hey teres ferqî çiyê, Ha neyar xwar ha te xwar.
 (CEGERXWÎN, ji Sewra azadî, rûpel 15)

==== ===== ===== =====

HEY QEHREMAN MILLETÊ KURD

Hey qehreman milletê Kurd serme tu razî
Meydan. Bidî dijmin û li qada te bibazî
Herçar terefan cigêhê tehqîr û tînazî
Ger heq tu nexwazî kiye heqê te bixwazî

Heyfe tu kurê Rustem û Guhderz û Silahî

Îro tu di gundê beg û axa de felahî

Serm û esefe, ger tu zarê xwe nexwîni

Raborî û şopa xwe li tarîxê nobîni

Bê qî met û teqdî çî ji dijmin re bigîni

Ta kengî her û her bi vî rengî tu binîni

Heyfe tu kurê Rustem û Guhderz û Silahî

Îro tu di gundê beg û axa de felahî

Deh sale îî ser hev hemî diljar û bi êsin

Sed Xanî û Hacı û Hejar wane li pêsin

Yekser weko Bêkos ko meraqa te dikêsin

Dora xwe nexwazin kî qizani ku li êsin

Heyfe tu kurê Rustem û Guhderz û Silahî

Îro tu di gundê beg û axa de felahî

Destên xwe bidin hev, bixsin sax û diyara

Qêrîn bikin pista xwe bidin lat û zinara

Lek lek bikevin Sehed û sînor û kenara

Lerzê n bikevî nêv dilê xwixwar û neyara

Heyfe tû kurê Rustem û Guhderz û Silahî

Îro tu di gundê beg û axa de felahî

Serme ji me re her wehe em dijminê hev bin

Bindestê neyar her wehe bê gotin û dev bin

Ta kengê wisa girtî û bin tarî û sev bin

Ta kengê şikestî û di nêv leşkerê rev bin

Serme tu kurê Rustem û Guhderz û Selahî

Îro tu di gundê beg û axa de felahî

Bermayê Med û Sobar û kurê Nayrî û Sîfî

Roja şerê Hettin û Kerek xos me tu dîtî

Tarîx ji me re dayêye zanîn tû egîtî

Îro tu metirs hemdem û hemxakê Sovîtî

Serme tu kurê Rustem û Guhderz û Selahî

Îro tu di gundê beg û axa de felahî

Hêrzan bide destan tu li ser hev vewesîne

Qeydan bişikîne weko bendan biqetine

Ev Dêwê sipî dijmine, mêrane derîne

Wek Rustemê qellaş bi xwe heyfa xwe hilîne

Serme tu kurê Rustem û Guhderz û Silahî
 Îro tu di gundê beg û axa de felahî
 Navdare welatê te hemî merkezê cenge
 Herkes bi me zanî bi xwe Kurd Sêr û Pilinge
 Hawîr xwe temaseke binêr gazî û denge
 Hey, hey qehreman milletê Kurd rabe derenge
 Serme tu kurê Rustem û Guhderz û Silahî
 Îro tu di gundê beg û axa de felahî

(C E G E R X W Î N , Sewra Azadî, San 1954, rûpel 13)

==== ==== ==== ==== =====
 T a K E N G Î E M Ê K A R K E R û C O T K A R Ê B E G A B I N

Ev rengê biratî me navê ger timî wa bi
 Hêvsar me girêdayî bi kurtanê kera bia
 Ew begler û axa û emê jar û geda bin

Ew recberê dijmin û emê recberê wa bin
 Ey Karker û Cotkar bese dem hatiye rabi

Ta kangî emê karkerê axa û bega bin

Ta kengî emê hestiyê ber lingê sega bin

Ta kengî emê kole û riswa û obîd bin

Bin destê mirovên wekî Bayar û Seîd bin

Ta kengî ji sinora wekî birc û kilîd bin

Ta kengî ji hev re hemî nêrxas û egîd bin

Ey karker û Cotkar bese dem hatiyê rabin

Ta kengî emê Karkerê axa û bega bin

Ta kengî emê hestiyê ber lingê sega bin

Çawa ko dizanin tu timî serker û mîrî

Deng da ye di şerqê de bi xwe fêris û sêrî

Îro tu çima wer biwe tirsok û newê rî

Perda gidiya ser xwe ve da, da xwe vesêrî

Ey Karker û Cotkar bese dem hatiye rabin

Ta kengî emê Karkerê axa û bega bin

Ta kengî emê hestiyê ber lingê sega bin

Perda gidiya carekê xwe rake hilîne

Çavê xwe veke guh bide hawar û qîrîne

Lingê teresan zû tu ji axa xwe derîne

Îdî tu metirs hemdemê cebarê te çîne

Ey Karker û Cotkar bese dem hatiye rabin

Ta kangî emê Karkerê axa û bega bin

Ta kengî emê hestiyê ber lingê sega bin

Pir serme ko em deh serf milyon nifûsin

Pir serme ko em abidê dînar û filôsin

Pir serme ko em birçî û bê mad û mirûsin

Heyfê jî me re hemdêm û hemxakê Urisin

Ey Karker û Cotkar bese dem hatiye rabin

Ta kengî emê Karkerê axa û baga bin

Ta kengî emê hestiyê ber lingê sega bin

Ta kengî din zindana bibin hebsî û girtî

Dara li ser lingê me xin begçî û sirtî

Ta kengî bixun ev beg û axa me bi xurtî

Ta kengî emê dey li we kin her we bi sirtî

Ey Karker û Cotkar bese dem hatiye rabin

Ta kengî emê Karkerê axa û baga bin

Ta kengî emê hestiyê ber lingê sega bin.

(C E G E R X W Î N, Sewra Azadî, Şam 1954, rûpel 4o)

==== =====